



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Stephani Thevpoli Bened. F. Patric. Veneti,  
Academicarum Contemplationum Lib. X**

**Piccolomini, Francesco**

**[Basel], 1590**

**VD16 ZV 12463**

Conditiones nonnullae materiae. Cap. 11.

**urn:nbn:de:hbz:466:1-12918**

à Natura proximè formari; demuin per imitationē idæ, intrinsecùs perfici, & terminari.

*Conditiones nonnullæ materiæ.*

## CAP. XI.

 Voniam Diuina Mens, rerum omnium formis est decorata, ap- primè est fœcunda; summopere est nata efficere, suęque perfectio- nis vimbras aliis impartiri; quod fieri non pos- terat sine communi aliquo subiecto, quod ef- fectioni subiiceretur, vimbrasque id earum re- ciperet: propterea necessaria fuit materia. Et quoniam id, quod pro receptione optimè est paratum, debet nil recipi eorum in sui natu- ra includere; iure materia omnino nuda, om- nino egena esse debuit; ut splendidissimè pos- set indui, nulla ratione formanti resisteret, & ex summa eius indigentia, mira opulentia cō- surgeret. Nuda itaque penitus formis est con- ditio materiæ; & propterea dicitur exemplar diuinitatis expers. Insuper, quod omnino, & maximè debet pati, & perpetuationis aliorum futurum est initium; omni efficiendi faculta- te debet esse destitutum: materia, huiusmodi esse debuit: iure itaque, vt primum efficiens nulla ratione patitur, ita primum hoc subie- ctum nil valet efficere: & iure Diana sterilis nuncupatur, ex cuius sterilitate eximia fœcun- ditas consurgit. Præterea, quod omnibus si- guris circumscribi, omnesque terminos susci-

R 4

pere debet; ut cunctis careat, necesse est: iure itaque materia, magnum, & paruum, ac insuper infinita, vel potius infinitudo nuncupatur. Neque propterea cum Stoicis, & plurimis ex antiquis putandum est, materiam esse corpus; nam si corpus esset, iam formam haberet, nec esset nata recipere omnes: habet tamen materia dimensiones sibi coæternas, termino destitutas; ratione quarum nuncupatur magnum, & paruum: adeò, ut primò consideretur natura materiæ; mox participatio dimensionum, & quantitatis. Dum cogitamus, magnitudinem aduenire materiæ; non est putandum, ut per eam tunc materia, quasi ex angusto, ac indiuiduo loco, in latum extendatur nullibi enim ita contracta considerari potest materia: sed solum est dicendum, quod cum prius quætitate careat, mox eam habet. Imaginamur tamen nonnunquam materiam, quasi dimensionem quandam inanem; & propterea nonnunquam, cum ab Arist. tum à Platone, vacui nomine designatur. Iure primum omnium quod in materia recipitur, moles est: nam per molem redditur diuidua: & cum diuidatur, valet simul per varias partes, omnes formas recipere, & cuncta fieri; quæ fieri non potuisset, si indiuidua permansisset. Partes itaque materiæ, insequuntur quantitatem: non autem quantitatem antecedunt, ut minus restet nonnulli ex Latinis existimarūt: qui partes substantiæ, quantitatem antecedentes excogita-

gitarunt. Insuper, cùm materia per molem partes habeat; quævis eius pars, quæ mortales recipit umbras, cùm simul non valeat fieri omnia, temporis successione omnia fit: Dico, quæ mortales recipit umbras, ut portionem præcipuam ejus excludam, cœli forma honestatam; in qua simul facultate, puritate, & eminentia quadam, omnia continentur. Sic itaque materia, virtute suæ naturæ, fit omnia; virtute quantitatis, recipit modo diuisibili. Demum, cùm materia per interminatam molem nuncupetur infinita; non est putandum, ut ita sit infinita, ut superet omnes terminos: sed è contra infinita dicitur: quia infra omnes terminos collocata, nullum ex illis habet, & cunctos recipere valet; adeò, ut ratione opposita Deus, & materia nuncupentur infinita. Deus est infinitus, exuperans terminos omnes; materia è contra infra omnes collocatur: propterea, ut in materiæ conuenit terminari, ita Deo maxime repugnat. De huiusmodi materiæ conditionibus, nulla profectò inter Arist. & Platonem lis est, sed summopere in sententia conueniunt ut etiam conueniunt de attinētibus ad potentiam materiæ: de qua cùm plurima dicantur ab expositoribus Aristotelis, nil vltra esse dicendum censui,

ne in re morarer  
infinityes  
acta.

R 5